

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 68 (2006-2007)

Heft: 4: Selbstmotivation

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.08.2025

ETH-Bibliothek Zürich, E-Periodica, <https://www.e-periodica.ch>

● Conferenza generala ladina: giubileum da 70 ons

Mario Pult

Als 24 da novembre ha gnü lö la conferenza generala ladina (CGL) a Samedan.

Fuondada es gnüda la conferenza avant 70 ons per pudair as dostar plü bain cunter l'influenza tudais-cha chi's vaiva derasada fich ferm pustüt in Engiadin' Ota. Tenor ils iniziants nu s'ingaschaiva l'Uniun dals Grischs quella jada avuonda per la scoula ladina e per la cultura rumantscha.

Dürant ils 70 ons s'ha la CGL dedichada cun grond success a la creaziun da buns e nouvs mezs d'instrucziun i's idioms vallader e puter. Ella ha pisserà insembel cul departamaint d'educaziun cha la qualità da la scoula rumantscha s'ha meglrada cintuantamaing. Implü ha la CGL organisà blers cuors da lingua e cultura ed ha eir in-

stallà üna didacta v.d ün barat da laviors chi ha gnü grond success.

Eir seis uffant predilet, la gazettina per scolars «Aviöl», ha prosperà e vain amo adüna chürà cun premura.

La gronda sala da Promulins a Samedan d'eira decorada cun bellischems purtrets da capricorns fats da tuot las classas da la scoula da Samedan.

Il president Mario Pult ha das-chü salüdar a diplü da 160 persunas d'instrucziun dal territori ladin. L'andamaint da la conferenza es stat sco üsità. Davo il salüd e'l chant cumüniel sun gnüdas evasas las tractandas in möd speditiv. Be la tractanda «tscherenas» es statta difficila per nu dir penibla causa chi nun es stat possibel da complettar la suprastanza ouramai cha president ed actuar s'han retrats. Eir scha tuot ils teams da scoula savávan daspö prümavaira cha quists duos posts sun dad occupar nu s'ha ja chattà persunas chi vessan surtut las caricas. Es quai deficit da solidarità, mancanza da spiert d'ingaschamaint o forsa frustraziun in vista a la pitschna influenza cha la CGL ha daspö cha Claudio Lardi es a la testa dal departamaint dad educaziun ed ambiaint? Insomma, per furtüna han las persunas chi restan in suprastanza fat la proposta da clomar aint üna conferenza



extra-ordinaria cun l'intenziun da sclerir e definir danouurmaing ils böts da la CGL.

La conferenza es ida a fin cun ingrazchaints e la nominaziun da Roman Bezzola, actualmaing inspectur, sco commember onurari.

Davo la conferenza as haja pudü giodair l'aperitiv sport dal cumün da Samedan e'l concert cun la gruppa da musica «Quintinò» chi suna musica populara da tuot il muond. Lura es gnüda servida üna stupenda tschaina avant co chi's ha ris da gust cul cabarettist Flurin Caviezel. La festa ha fini cul bal, sunà ha la gruppa «Quintinò».

La Conferenza extraordinaria ha lö a Zernez, als 7 da favrer 2007 (16.30–19.00).



Ediziuns novas

